

JABATAN PERKHIDMATAN VETERINAR

LAPORAN LIPUTAN MEDIA

Khamis, 11 Mei 2023

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR

Dua lembu mati diracun

MEDIA	RUANGAN	MUKA SURAT
Sinar Harian	Negeri	27

Dua lembu mati diracun

MACHANG - Dua lembu ditemukan mati dipercayai akibat diracun di Kampung Pangkal Mak Wan di sini pada Isnin.

Ketua Polis Daerah Machang, Superintenden Mohd Adli Mat Daud berkata, penternak menyedari kejadian itu pada jam 5.30 petang apabila terjumpa biji-biji berwarna putih dipercayai baja yang digunakan untuk meracun ternakannya.

Menurut beliau, lelaki itu kemudian membuat laporan polis bagi menyiasat kejadian itu.

"Pengadu pergi ke tempat ternakan lembu miliknya untuk menghambat lembu-lembu masuk balik ke dalam kandang.

"Dia mendapati dua lembu dalam keadaan terbaring dipercayai selepas memakan buah yang diletak racun," katanya dalam satu kenyataan akhbar di sini pada Rabu.

Mohd Adli berkata, hasil pemeriksaan polis di sekitar lokasi berhampiran menjumpai separuh buah tembikai berada di atas tanah di kawasan kejadian.

"Pemeriksaan lanjut mendapati terdapat biji-biji berwarna putih dalam buah tembikai tersebut dipercayai baja yang berkemungkinan penyebab kematian lembu tersebut.

"Pegawai Veterinar menjalankan pemeriksaan dan mengambil beberapa organ dalaman lembu sebagai sampel untuk dihantar ke Jabatan Kimia," katanya.


Kes disiasat mengikut Seksyen 428 Kanun Keseksaan kerana melakukan khianat dan membunuh haiwan.



Polis menjalankan siasatan di lokasi lembu ditemukan mati di Kampung Pangkal Mak Wan.

Lembu mati makan racun dalam tembikai

MEDIA	RUANGAN	MUKA SURAT
Kosmo	Negara!	15



ANGGOTA polis sedang menjalankan siasatan berhubung kejadian dua ekor lembu (gambar kecil) mati diracun di dalam kebun getah di Kampung Pangkal Mak Wan, Machang pada Isnin lalu. - IHSAN POLIS

'Lembu mati makan racun dalam tembikai'

MACHANG – Seorang penternak mengalami kerugian kira-kira RM10,000 apabila dua ekor lembu miliknya mati dipercayai akibat perbuatan khianat selepas termakan buah tembikai yang diletakkan 'racun' atau baja tanaman di Kampung Pangkal Mak Wan, di sini Isnin lalu.

Pemilik lembu yang berusia 40 tahun itu menyedari kejadian tersebut kira-kira pukul 5.30 petang semasa membawa lembu-lembu masuk ke kandang sebelum melihat dua ekor haiwan peliharaannya terbaring dan lemah.

Ketua Polis Daerah Machang, Superintendan Mohd. Adli Mat Daud berkata, siasatan awal mendapati, lembu terbabit sebelum itu dipercayai berkeliaran dan memakan tanaman pen-

duduk kampung.

"Pemilik haiwan itu mendapati ada separuh bahagian buah tembikai berada di atas tanah. Pemeriksaan lanjut mendapati, terdapat biji-biji berwarna putih di dalam buah tembikai berkenaan dipercayai baja tanaman.

"Baja itu juga dipercayai menyebabkan dua ekor lembu itu mati selepas memakan buah tembikai tersebut," katanya dalam kenyataan semalam.

Ujarnya, Pegawai Veterinar telah menjalankan pemeriksaan dan mengambil beberapa organ dalaman lembu sebagai sampel untuk dihantar ke Jabatan Kimia.

Katanya, polis sedang mengesan suspek terlibat dan kes disiasat mengikut Seksyen 428 Kanun Keseksan kerana melakukan khianat terhadap haiwan.

Penternak ayam minta beri subsidi sama rata

MEDIA

Berita Harian

RUANGAN

Nasional

MUKA SURAT

8

Penternak ayam minta beri subsidi sama rata

Selangor didakwa kehilangan bekalan hampir 600,000 setahun

Oleh Amirul Aiman Hamsuddin
bhnews@bh.com.my

Kuala Selangor: Selangor didakwa kehilangan bekalan ayam hampir 600,000 ekor setahun apabila penternak 'gulung tikar' ke-

rana tidak mampu menanggung kos operasi.

Sehubungan itu, kerajaan diminta mempertimbangkan semula pembahagian subsidi kepada penternak ayam daging dan syarikat pembekal dengan nisbah 50:50.

Keadaan lebih rumit apabila pembahagian subsidi kerajaan 80 sen untuk seekor ayam tidak sama rata dengan 70 sen kepada syarikat pembekal, manakala baki 10 sen kepada penternak.

Pengerusi Persatuan Penternak Ayam Selangor, Muzamri Shuib, berkata ketika ini pihak-

nya ada 71 penternak berdaftar dengan 20 peratus daripadanya terkesan dan 'gulung tikar'.

Beliau berkata, musim pengeluaran ayam turut berkurangan kepada empat musim berbanding tujuh sebelum ini.

"Dalam penternakan ayam daging, penternak paling berisiko tinggi. Syarikat pembekal lebih awal mendapat untung daripada hasil jualan makanan ayam, anak ayam, ubat-ubatan dan jualan ayam.

"Mereka untung menerusi empat sumber ini sedangkan pen-

ternak hanya dapat keuntungan jualan ayam hidup," katanya pada sidang media selepas majlis rumah terbuka di sini, semalam.

Berdepan pelbagai kos

Muzamri berkata, penternak ayam daging turut berdepan pelbagai kos seperti tanah, penyelenggaraan reban dan operasi.

"Penternak juga berdepan kos kebenaran merancang, cukai kerajaan tempatan dan pelbagai agensi lain, selain sukar mendapatkan pekerja dalam bidang penternakan serta pekerja yang

sentiasa meminta kenaikan gaji bulanan," katanya.

Beliau berkata, langkah pembahagian subsidi dalam konsep menang-menang wajar dilaksanakan.

"Perkara ini berulang kali dipanjangkan kepada Ketua Setiausaha Kementerian Pertanian dan Keterjaminan Makanan, tetapi tidak mendapat maklum balas.

"Ini membuatkan penternak kecewa, sekali gus menjejaskan operasi dan pembekalan bukan sahaja di Selangor, tetapi juga seluruh negara," katanya.



Muzamri (tengah) bersama wakil dan ahli persatuan penternak ayam pada sidang media selepas majlis rumah terbuka di Kuala Selangor, semalam.
(Foto Amirul Aiman Hamsuddin/BH)